



**UNIT KOMUNIKASI KORPORAT JABATAN
PERIKANAN MALAYSIA
BERITA PERIKANAN HARI INI**

**29 Mac 2023
7 Ramadan 1444H**

SENARAI AKHBAR	TAJUK
Utusan Malaysia	•
Berita Harian	•
Harian Metro	•
Kosmo !	<ul style="list-style-type: none">• Teruja lihat penyu naik bertelur tiga jam di Pantai Pandak• Dua lagi bangkai penyu ditemui di perairan Marang
Sinar Harian	<ul style="list-style-type: none">• Tragedi ikan buntal : Isteri maut, suami di ICU• Dua penyu agar ditemukan mati
The Star	•
New Straits Time	•
Nanyang Siang Pau	•
Malaysia Gazette	•
Harakah	•
Malaysiakini	•
Bernama	•
Borneo Post (Kuching)	•
The Sun	•
Sabah Media	•

JENIS AKHBAR							MUKA SURAT	TARIKH
UTUSAN MALAYSIA		KOSMO !	✓	THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		16	29/3/2023

Teruja lihat penyu naik bertelur tiga jam di Pantai Pandak



TANGKAP layar video seekor penyu agar betina kembali ke laut selepas selesai bertelur di Pantai Pandak, Chendering, Kuala Terengganu kelmarin.

KUALA TERENGGANU – Seorang pemancing terkejut apabila terserempak dengan seekor penyu agar betina yang naik bertelur di Pantai Pandak, Chendering di sini kelmarin.

Hasbullah Haliba, 26, berkata, dia bersama beberapa orang rakan ingin memancing di pantai tersebut terserempak dengan haiwan reptilia terbabit pada pukul 7.30 malam.

"Penyu betina dengan anggaran berat 50 kilogram itu naik perlahan-lahan ke darat untuk bertelur.

"Kami hanya memerhati sahaja dari jauh kerana tidak mahu ibu penyu tersebut berasa ter-

ganggu sepanjang proses bertelur," katanya ketika dihubungi Kosmo! di sini semalam.

Klip video berdurasi 18 saat dirakam Hasbullah dimuat naik di media sosial mendapat perhatian ramai yang turut teruja dengan pendaratan penyu di pantai peranginan tersebut.

Hasbullah berkata, penyu betina itu hanya selesai bertelur dan kembali ke laut selepas tiga jam.

Dia memberitahu, sangat bertuah kerana dapat melihat sendiri proses penyu bertelur buat pertama kali.

Sementara itu, Pengarah Jabatan Perikanan Terengganu,

Ruzaidi Mamat berkata, kakitangannya telah bergegas di Pantai Pandak sebaik menerima laporan berhubung pendaratan penyu tersebut.

"Kawasan itu bukan kawasan pajakan dan sekiranya ada penemuan telur, ia akan diambil untuk diamankan sebelum dilepaskan semula ke laut.

"Sekarang memang musim penyu naik ke daratan kerana musim bertelur telah tiba dan kita berharap orang ramai yang terjumpa spesies marin ini agar tidak mengganggunya," katanya.

Ruzaidi menasihatkan orang ramai agar melaporkan segera penemuan penyu naik ke darat.

JENIS AKHBAR							MUKA SURAT	TARIKH
UTUSAN MALAYSIA		KOSMO!	✓	THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		17	29/3/2023

Dua lagi bangkai penyu ditemui di perairan Marang

MARANG - Kes penemuan bangkai penyu di perairan Terengganu terus berlaku apabila dua lagi penyu dari spesies agar ditemui mati dalam dua kes berasingan di daerah ini keimarin.

Dalam kes pertama, bangkai seekor penyu agar jantan ditemui terdampar di Pulau Kapas di sini, oleh seorang pemandu bot tempatan pada pukul 1 tengah hari.

Setiausaha Persatuan Pemuliharaan Pulau Kapas, Mohd. Parith Rezza Isa berkata, penyu

tersebut yang mempunyai kesan berdarah di bahagian mulut dipercayai mati dalam tempoh tidak sampai 24 jam.

"Bagaimanapun, tiada kecederaan lain dikesan pada bangkai penyu itu yang berukuran 84 sentimeter (sm) panjang dan 75 sm lebar tersebut.

"Dalam kejadian berasingan, seekor lagi penyu agar dewasa ditemui mati di muara Sungai Marang," katanya ketika dihubungi Kosmo! di sini semalam. Mohd. Parith berkata, bangkai

reptilia tersebut ditemui dalam keadaan terapung oleh seorang pemandu bot lain, namun bangkai itu tidak sempat diambil kerana beberapa kekangan.

Sehubungan itu, beliau tidak menolak kemungkinan bangkai penyu tersebut akan terdampar dan ditemui di lokasi lain tidak lama lagi.

"Kedua-dua penemuan (bangkai penyu) tersebut telah dilaporkan kepada Jabatan Perikanan Negeri Terengganu untuk tindakan lanjut," katanya.



BANGKAI penyu agar dewasa yang ditemui terdampar di Pulau Kapas, Marang semalam.

JENIS AKHBAR

UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN ✓	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF		NEGATIF	NEUTRAL	23	24/3/2023

Wanita berkenaan mengalami sesak nafas dan menggigil sebelum dikejarkan ke HEBHK

Tragedi ikan buntal: Isteri maut, suami di ICU

Oleh ZULHISHAM ISAHAK KLUANG

Seorang wanita meninggal dunia manakala suaminya dirawat di Unit Rawatan Rapi (ICU) Hospital Enche' Besar Hajjah Kalsom (HEBHK), di sini selepas menikmati ikan buntal, Sabtu lalu.

Exco Kesihatan dan Perpaduan negeri, Ling Tian Soon berkata, sebelum itu wanita berkenaan mengalami sesak nafas dan menggigil pada jam 3 petang sebelum dikejarkan ke HEBHK oleh anaknya.

Beliau memberitahu, kira-kira satu jam kemudian suami mangsa turut mengalami gejala sama.

"Pasangan berkenaan di-

bawa ke Jabatan Kecemasan HEBHK pada jam 5 petang, namun mangsa disahkan meninggal dunia pada 7 malam, manakala suaminya dirawat di ICU.

"Pasangan suami isteri itu mendapatkan bekalan ikan buntal daripada penjual secara pratempahan melalui Facebook," katanya dalam satu kenyataan pada Selasa.

Menurutnya, selepas menerima ikan tersebut Sabtu lalu, mangsa menggoreng untuk hidangan tengah hari dan difahamkan ia adalah kali pertama pasangan itu menjamu selera dengan ikan buntal.

"Siasatan lanjut mendapati



TIAN SOON

ikan berkenaan diperoleh daripada nelayan dari Endau, Rompin sebelum diambil oleh pemborong untuk diproses di Batu Pahat," jelasnya.

Menurut beliau, penjual ikan buntal yang berasal dari Batu Pahat akan menghantar tempahan kepada pelanggan melalui Facebook.

"Sebanyak 15 kilogram ikan buntal sudah dijual kepada pelanggan masing-masing empat di Chamek dan Paloh, dan seorang di Yong Peng pada hari tersebut.

"Selain pasangan terbabit, pelanggan lain juga belum pernah menikmati ikan buntal," ujarnya. Kata Tian Soon, Pejabat



Pasangan suami isteri terbabit memperoleh ikan buntal daripada nelayan dari Endau, Rompin.

Kesihatan Daerah Kluang dan Batu Pahat sudah mengambil sampel ikan itu daripada pelanggan yang membeli daripada penjual berkaitan untuk dihantar ke makmal untuk dianalisis. Jelas beliau, sehingga kini

tiada lagi pelaporan baru berkaitan dengan ikan buntal.

"Orang ramai diingatkan supaya sentiasa berhati-hati ketika memilih makanan terutama jika ia diketahui mempunyai risiko," katanya.

JENIS AKHBAR

UTUSAN MALAYSIA		KOSMO !		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN	✓	THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF		NEUTRAL			25	29/3/2023

SH MIS 25 29/3/2023

Dua penyu agar ditemukan mati

Kedua-duanya mati di lokasi berasingan di Marang

Oleh NORHASPIDA YATIM
KUALA TERENGGANU

Dua ekor penyu agar ditemukan mati di dua lokasi berasingan di daerah Marang pada Isnin.

Setiasaha Persatuan Pemuliharaan Pulau Kapas, Mohd Farith Rezza Isa berkata, salah seekor penyu iaitu penyu agar jantan ditemukan seorang pemandu bot tempatan dalam keadaan terdampar di Pulau Kapas kira-kira jam 1 tengah hari.

"Penyu yang berukuran 84 sentimeter (sm) panjang dan 75 sm lebar itu yang dipercayai mati dalam tempoh kurang 24 jam.

"Ketika ditemui, terdapat kesan darah pada bahagian mulut



Bangkai seekor penyu agar jantan ditemukan terdampar di Pulau Kapas, Terengganu oleh seorang pemandu bot tempatan.

penyu itu dan hasil pemeriksaan tidak menemui kecederaan lain pada badan haiwan berkenaan," katanya ketika dihubungi di sini, pada Selasa.

Sementara itu, katanya, seekor lagi penyu iaitu penyu agar dewasa ditemui mati di muara

Sungai Marang pada hari sama. "Bangkai penyu itu ditemukan dalam keadaan terapung oleh seorang pemandu bot, namun ia tidak sempat diambil atas beberapa faktor.

"Kita bimbang, bangkai itu akan dibawa arus dan terdampar

di lokasi yang lain," katanya. Menurut Mohd Farith Rezza, kedua-dua kejadian itu telah dilaporkan kepada Jabatan Perikanan Negeri Terengganu (DOF) untuk siasatan lanjut.

"Kita belum kenal pasti lagi punca sebenar kematian penyu



Seekor penyu agar dewasa ditemukan mati di muara Sungai Marang pada Isnin.

itu, namun kita harap pihak penguat kuasa akan peringkatkan lagi aktiviti pemantauan.

"Antaranya ialah larangan menggunakan pukot pari dan pukot tunda di laut bagi mengelak kematian hidupan marin itu," ujarnya.